



ANG

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Bayan

Ispesyal nga Isyu
Marso 29, 2016

www.philippinerevolution.net

Kab-uton ang mas dagkung kadaugan sa gubat sa katawhan

Mensahe sa Komite Sentral sa Partido Komunista ng Pilipinas sa kasaulugan sa ika-47 nga anibersaryo sa pagtukod sa BHB

Kami sa Komite Sentral ug ang tibuok Partido Komunista ng Pilipinas nagapasidungog sa mga Pulang kumander ug manggugubat sa Bagong Hukbong Bayan (BHB) sa pagsaulog niini sa ika-47 nga anibersaryo. Ginadayeg namo ang BHB sa pagsilbing nag-unang hinagiban sa Partido ug sa katawhang Pilipino sa paglunsad sa bag-ong demokratikong rebolusyon pinaagi sa malungtarong gubat sa katawhan batok sa imperyalismong US ug lokal nga mapahimuslanong hut-ong nga dagkung kumprador ug agalong yutaan, nga sa kasamtangan nag-unang girepresentahan sa nagharing pundok ni Aquino.

Ang BHB maoy pinakabantugan, pinakalig-on ug pinakaabanteng rebolusyonaryong armadong pwersa sa tibuok kasaysayan sa katawhang Pilipino. Mikusog ug nakapatigbawaw kini sa bangis nga pagsukol sa 14 ka tuig nga pasistang diktadur-ya. Gipatigbabawan niini ang tanang planong kampanyang militar

nga gibuhian sa mga mini nga demokratikong rehimen nga misunod sa rehimensing Marcos. Nakapursigi kini sa 47 ka tuig nga mapadayu- nong rebolusyonaryong pakigbisog batok sa nagharing sistemang semikolonyal ug semipyudal.

Gipahalipayan namo ang BHB sa natigum niining mga kadaugan sukad sa pagkatukod niini ug sa tanan

niining na- kab-ot sa pagpakyas sa Oplan Bayanihan niining milabayng mga tuig.



Gipasidunggan nato ang tanang Pulang kumander ug manggugubat sa ilang mga paningkamot ug mabayan- nihong pagsukol sa kaaway. Kinatas- ang pagpasidungog ang ihatag nato sa mga martir ug bayani sa rebolu- syon.

Kinahanglang maayo natong ti- buokon ug tukion ang atong mga kasinatian aron mokutlo og mga po- sitibo ug negatibong pagtulun-an, planuhon kung unsaon nato pag-as- dang subay sa kasamtangang kusog ug ihikyad ang mga katungdanan ug pamaagi aron hiusahon ang atong determinasyon ug katakus nga ma- kig-away aron mokab-ot og mas dagkung kadaugan.

Masaligon kitang makab-ot ang mas dagkung kadaugan sa moabot nga mga tuig. Paspas nga nagkagrabe ang krisis sa pang- kalibutang sistemang kapitalista ug sa lokal nga nagharing sistemang semikolonyal ug semipyudal. Na- kab-ot na sa BHB ang nasud- nong kusog ug nasub- han na pag-ayo kini sa pakigbisog, kaya niini ang mas dagkung la- kang ngadto sa estra- tehikong panagpatas.



Nagkagrabe ug nagatiurok sa bag-ong ang-ang ang krisis sa pangkalibutang kapitalismo

ANG PANGKALIBUTANG KRISIS sa ekonomiya ug pinansya nga miulbo niadtong 2008 padayon nga nagapahimugso og pangkalibutang depresyon nga mahisama sa Great Depression niadtong dekada 1930. Nagpabilin kini tungod sa walay pugong nga pagpanghingusog sa sistemang neoliberal nga padak-on ang ginansya pinaagi sa pagkibhang sa suhulan, kaylap nga pagpanangtang sa trabaho, pagkibhang sa katilingbanong benepisyo ug mga serbisyo, liberalisasyon sa patigayon ug pamuhunan, pribatisasyon sa mga kabtangan sa estado, deregulasyon sa mga restriksyong katilingbanon ug pangkinaiyahan, ug denasyunalisasyon sa mga atrasadong ekonomiya.

Aron sulbaron ang krisis, giga-mit sa mga kapitalistang industriyal nga nasud ang pagpadaghan sa kwarta ug pautang, ug ang pagpahugot sa bakus sa kadaut sa katawhan. Apan samot niining gipaubos ang konsumo ug produksyon, gipagrabe ang krisis ug gipahimugso ang bag-ong paspas nga pagtiurok. Wala niini gibuhi ang produksyon ug empleyo sa US ug uban pang imperyalistang nasud. Pinitipiti lang niining ginapalagsik ang mga merkado sa pinansya ug gipa-

taas ang produksyong panggubat sa *military-industrial complex*.

Sa China, ang bula sa morag walay kinutubang paglapad sa suplay sa kwarta ug pautang, ilabina alang sa pribado ug publikong konstruksyon, nagsugod na pagkahanaw sa pagtipun-og sa dawbukid nga dili mabayrang utang sa lokal nga guberno ug mga korporasyon. Gipaubos niini ang pangkalibutang tantos sa pagtubo sa ekonomiya. Nagkagrabe ang krisis sa publikong utang sa European Union ug dili kini masulbad sa pagpalapad sa suplay sa kwarta ug pautang. Ang pagsulay sa US nga ipataas ang bili sa dolyar pinaagi sa pagpataas sa interes sa pautang nagapadaku sa utang nga dolyar sa mga atrasadong nasud.

Ang nagkagrabeng krisis sa pangkalibutang kapitalismo nagsangpot sa pagtaas sa produksyong panggubat, terorismo sa estado ug militarisasyon sa pulis, pagdaku sa deployment sa mga tropang US sa ubang kanasuran ug mga gubat agresyon. Syria karon ang sentro sa naglambod-lambod nga gubat tali sa US sa tampi sa mga pwersang batok sa gubernong Assad ug Russia sa tampi sa gubernong Assad.

Ligian sa US ang tanan aron lumpagon ang gubernong Assad sama sa paglumpag sa mga gubernong Milosevic, Saddam ug Qaddafi sa ilang mga nasud. Gamiton sa US ang adunay kundisyon nga hunong-buto niini sa Russia aron pakusgon ang ginatawag nga Free Syrian Army sa dili katuohang

rason nga pagbatok sa Al Nushra ug sa Daesh (ang ginatawag nga Islamic State o IS). Dungan niini, padayon ang Turkey sa pag-atake sa mga Kurd sa Syria ug sa pakigkunsabo sa Daesh batok sa katawhang Kurd.

Walay kahumanan ang sumpay-sumpay nga gubat nga gipahimugso sa mga imperyalistang US, Zionistang Israel ug NATO sa Middle East. Determinado silang lumpagon ang mga guberno sa Syria ug Iran ug pasagdan ang Zionistang Israel nga sumpuon ang katawhan sa Palestine. Dungan niini, padayong nagaulbo ang mga gubat sa mga nanagbanging relihiyon ug grupo sa Iraq, Libya, Egypt, Tunisia, Yemen, Sudan ug Mali.

Tungod sa serye sa mga gubat agresyon ug *proxy* nga gibuhian sa US ug NATO, ilabina sa Middle East ug Africa, minilyong *refugee* ang nagpanon sa Western Europe ug uban pang imperyalistang nasud. Nagsilbi sa dagkung burgesyang mga neopasista, sobinista, rasista ug mga panatikong relihiyoso sa brutal nga pagtrato sa mga *refugee* ug pagbasol kanila sa nagkagrabeng krisis sa kapitalismo.

Sa tibuok kalibutan, ginahimo sa US ug uban pang imperyalistang gahum ang pinakagrabeng dagway sa pagkawhaw sa katilingban ug kinaiyahan. Ginaguba sa mga neoliberal nga palisiya sa ekonomiya ug pag-init sa kalibutan ang kinabuhi sa binilyong katawhan ug nagpahimugso kini og mga katilingbanong kagubot, dislokasyon ug kaylap nga migrasyon.

Padayong ginapig-utan ang Russia sa US ug mga nasud sa G7 pinaagi sa mga ekonomikanhong silo tug paglapad sa NATO sa mga utlanan sa Russia pinaagi sa mga sikbit nga rehimeng anti-Russia, sama sa Ukraine. Ginapaningkamutan sa US nga dauton ang relasyon sa Russia ug sa makonsumosa-enerhiyang Germany ug ang pagtukod sa usa ka ekonomikan-



Ispesyal nga Isyu | Marso 29, 2016

Ginapagawas ang *Ang Bayan* sa pinulungang Pilipino, Bisaya, Hiligaynon, Waray ug Ingles. Mahimo



kining i-download gikan sa Philippine Revolution Web Central nga makita sa www.philippinerevolution.net Modawat ang *Ang Bayan* og mga tampo sa dagway sa mga artikulo ug balita. Ginaagni usab ang mga tigbasa nga mopadangat og mga saway ug rekomendasyon alang sa pagpalambo sa atong mantalaan. Maabot kami pinaagi sa email sa: cppinformationbureau@gmail.com

Ginamantala ang *Ang Bayan* kaduha matag bulan sa Komite Sentral sa Partido Komunista ng Pilipinas

hong blokeng Eurasian. Apan ang pagpanghagit sa US samot lang nga mitukmod sa Russia ug China nga pakusgon ang ilang relasyon.

Wala pa natagbaw sa kadaghan sa gimugna niining kagubot sa daghan kaayong rehiyon ug nasud, padayon pang ginaduso sa US ang Trans-Pacific Partnership Agreement (TPPA) ug ang estratehikong pagliwag niini sa rehiyong Asia-Pacific aron kahunon ang China. Morag ginahagit sa China ang US nga magpadaku og pwersang militar niini sa East Asia sa binuang nga “nine-dash” nga teritoryong giangkong niini sa South China Sea. Dungan niini, gitukod niini ang Asia Infrastructure Investment Bank aron pondohan ang ambisyon niining proyektong Silk Road and Belt.

Ginagamit sa Russia ug China ang BRICS isip bloke sa ekonomiya ug ang Shanghai Cooperation Organization isip blokeng pangseguridad. Dayag sila nga alang sa kalibutang multipolar batok sa hegemonya sa US. Ginahagit nila ang US sa pantasya niining unipolar nga hegemonya sa ika-21 nga siglo ug ginapunting kaniya ang nagkagrabeng estratehikong paghuyang taliwala sa pagkaagresibo niini. Nahimo nang hilabihan ka tin-aw nga ang hingpit nga paghibalik sa Russia ug China sa kapitalismo nagpahimugso og mas daghang krisis ug kagubot alang sa pangkalibutang sistemang kapitalista.

Mipaspas ang estratehikong paghuyang sa US tungod sa sobrang pagkagumon sa imperyalistang pag-

panakop, pinansyalisasyon, paspas nga pagtiurok sa manupaktura ug makanunayong kaylap nga disempleyo, pagnipis sa hatungang hut-ong, pagkadunot sa mga katilingbanong serbisyo, pagkaylap sa kapobrehon ug sayop nga paggahin sa bahandi sa produksyong panggubat, langyawng mga base militar ug mga gubat agresyon.

Ang krisis sa pangkalibutang sistemang kapitalista padayong mograbe ug labawng motukmod sa mga imperyalistang gahum sa maduguong panagsangka alang sa subling pagbahinay sa kalibutan. Ang inter-imperyalistang panagbangi nagahimugso og kundisyong paborable alang sa subling pagbangon sa mga rebolusyonaryong pwersa sa proletaryado ug dinaugdaug nga mga katawhan ug nasud.

Nagkagrabeng krisis sa nagharing sistema sa Pilipinas

ISIP SEMIKOLONYAL UG SEMIPYUDAL, ang katilingbang Pilipino kanunay adunay krisis sa ekonomiya, katilingban ug pulitika. Tungod sa pagpahamtang sa US sa sistemang neoliberal ug mga palisiyang pangseguridad, gipagrabe ug gipalalom ang maong makanunayong krisis ug gibahin pa ang katilingbang Pilipino sa hait nga mga kontradiksyon sa han-ay sa mga reaksunaryo ug gihi-mong mas tabunok nga yuta alang sa armadong rebolusyon.

Samot nga walay pugong nga gipanamastamasan ang nasudhong soberanya sa katawhang Pilipino sa Enhanced Defense Cooperation Agreement (EDCA) nga nagatugot sa mga base militar sa US sa Pilipinas ug nagaobliga sa mga papet nga reaksyunaryong armadong pwersa nga magsibling gwardyang perimetro sulod sa kaugalingon niining lugar.

Samot pang gipalapad sa EDCA ang lisensyang ekstrateryoral sa pwersang militar sa US ubos sa Visiting Forces Agreement (VFA) aron makabaton og presensyang relyibuhay sa teritoryo sa Pilipinas ug sayo nga mapwesto dinhi ang tanang matang sa mga armas, lakip na ang mga armas sa dinaghang pagpuo. Ubos sa EDCA, mikuha ang US og lima ka base militar sa Pilipinas isip pasiuna. Kakumbina sa VFA, ang EDCA usa ka instrumento

sa interbensyong militar ug labaw pa alang sa dayag nga agresyon batok sa katawhang Pilipino ug mga kasikbit nga nasud.

Kaniadto pa, nalambigit na ang US sa pinakadayag nga dagway sa interbensyong militar. Aduna kini direktang papel sa pagdisenyo ug pagpatuman sa mga estratehikong planong pang-operasyon sama sa Oplan Bayanihan subay sa US Counterinsurgency Guide. Gilangkob pa sa interbensyong militar sa US ang partisipasyon sa mga tig-tambag, tigbansay og mga tim, ug ang paggamit sa pang-espiyang mga satelayt ug eroplanong pangsubeylans batok sa BHB ug lainlaing mga hukbo sa katawhang Moro.

Walay puas ang pag-atake sa soberanya sa ekonomiya sa Pilipi-

nas ug sa nasudhong patrimonya ubos sa dili patas nga mga kasabutan ug balaod sa ekonomiya ug patigayon nga nagatugot sa 100% nga langyawng pagpanag-iya sa minahan, bangko ug mga empresa sa patigayon. Nagapadayon ang pakang amyendahan ang konstitusyong 1987 sa GRP (Gubyerno sa Republika sa Pilipinas) aron matugutan ang mga langyawng korporasyon nga manag-iya ang uban pang mga empresa og hangtud 100%.

Sukad 2014, gipasagdan sa reaksyunaryong gubyerno nga mahuman ang Comprehensive Agrarian Reform Program Extension with Reforms (CARPER) ug walay gihi-mong unsamang lakang aron mag-



haon og usa pa ka mini nga programa sa reporma sa yuta. Ang gipahamtang sa US nga sistemang neoliberal nagababag sa papet nga estado nga palig-unon ang unsamang palisiya nga mokibhang sa katungod kuno sa mga tag-iya nga gunitan pa gihapon ang ilang yuta ug mga kabtangan ug ibaligya kini nga boluntaryo pinaagi sa mga transaksyong komersyal.

Ang walay lipud-lipud ug brutal nga baruganan sa reaksyunaryong estado mao ang paghatag og kagawasan sa mga korporasyong langyaw ug lokal nga mangangkong og halapad nga kayutaan alang sa mga minahan, plantasyon, ispekulasyon sa *real estate* ug pagpanoroso sa ngalan sa hustong pag-atiman sa kalasangan. Busa, halapad ug kaylap ang ang mga operasyong pagpangilog og yuta aron mangalot og minerales ug manukod og mga plantasyon alang sa produksyong pang-eksport ug pabalay.

Ginapasigarbo sa rehimeng US-Aquino nga napataas niini ang GDP (*gross domestic product*) sa Pilipinas sa P15 trilyon, nalimita ang publikong utang sa P6.4 milyon nga gamayng bahin sa maong GDP ug nakabot ang abereyds nga 6.2% ti-nuig nga tantos sa paglambo sukad 2010, nga kuno lapas sa tanang nahauang mga rehimen. Gipataas sa rehimen ang publikong utang og P4.16 trilyon sulod sa kulang sa unom ka tuig, gilabwan ang tanang milabayng rehimen sukad kang Marcos, sa pag-apas sa sobra-sobrang utang alang sa korapsyong *pork barrel* ug galastuhang kontra-industriya.

Gipanghinambog sa rehimen nga ang Pilipinas nahimong nasud nga “bag-ong nagaindustrialisa” ug dili magdugay maabot ang istatus nga “first world.” Apan kung tan-awon ang unod sa GDP, wala kitay makitang sangkap alang sa kalambuag industriyal sa ekonomiya. Ang sektor sa serbisyo nga pre-industriyal naglangkob sa 57% sa *national output value*; 15% ang industriyang nagsalig sa import ug

32% ang agrikultura.

Nagsalig ang tanang sektor sa mga imported nga kahimanan ug utang panggawas ug nakatutok sa konsumo. Sa hisgutanan sa paggasto o *end-use*, 71.5% ang bahin sa pribadong konsumo ug kapin-konkulang 10.2% ang sa guberno. Ang gamayng 18.3% nga bahin sa pamuhunan gilangkuban sa mga operasyong negosyo sama sa mga *call center*, minahan, konstruksyon, semi-manupaktura, pagkaon ug ilimnon, pinansya ug uban pang susama.

Dili kasagaran ang gidak-on sa gibubo nga pamuhunang *portfolio* (gawas-sulod nga kapital) sa taas nga panahon sa paghari sa rehimeng Aquino, nga milangkob og sobra 65% sa pagbwelo sa pagsulod sa kapital niadtong 2012-2014. Apan nagsugod kini paggawas sukad 2014, nga nagbunga og depisito sa BOP (*balance of payments*) nga sobra \$3 bilyon. Ang maong mga pamuhunan wala nagatukod og mga plantang pangmanupaktura, kundili nahiadto sa mga merkadong pinansyal. Mitabang kini sa pagmugna sa ilusyon sa nagalambo nga ekonomiya. Sa paggawas sa kapital, samot nga nabutyag ang dulom nga kamatuoran sa kawalay kalamboan, taas nga ang-ang sa disempleyo, nagasutoy nga presyo sa mga batakang palaliton ug serbisyo, grabeng kawalay kaangayan, kaylap nga kalisud, depisito sa badyet ug patigayon, ug nagkadakung utang.

Gipanghinambog sa reaksyunaryong guberno ang ubos kaayong kapin-konkulang 6.5% nga tantos sa disempleyo ug 20% nga kulang ang trabaho niadtong 2015. Daku kini nga bakak. Kadaghanan sa ginangong adunay

panginabuhian, sa pagkatinuod, walay trabaho, nahikot sa gimbuhatong balay o mga trabahong ubos og suhol sulod sa pila ka oras sa usa ka semana. Ang gipasitab nga dakung ihap sa mga mamumuong kontraktwal sa ubang nasud nga sobra 12 milyon mokabat sa 20% sa 60 milyong kinatibuk-ang pwersang pamuo ug nagabutyag sa kawalay katakus sa ekonomiya sa Pilipinas nga maghatag og trabaho ug naglangkob sa dakung bahin sa disempleyo. Grabe ang kalisud sa 66 milyong katawhan nga nabuhi sa P125 o mas ubos pa matag adlaw.

Samot nga nagkagrabe ang krisis sa katilingban ug ekonomiya ug nagapahimugso sa nagkadaghang lihok-protesta, pulitikanhong kagubot ug armadong rebolusyonaryong pagsukol. Apan sa kasamtangang indigay sa eleksyon sa pagkapresidente nga gipasundayag sa nagharang sistema, walay nag-unang kandidato sa pagkapresidente, partido o koalisyon (gawas sa koalisyong Makabayan sa mga progresibong grupong *party-list*) nga naglatag og kumprehensibong programa sa pulitika nga nagtinguha ug nagapaluyo sa nasudnong kagawasan, demokrasya sa katawhan, ekonomikanhong kalambuan pinaagi sa reporma sa yuta ug nasudnong industriyalisasyon, katilingbanong hustisya, makinasudnon ug progresibong kultura, libreng edukasyong publiko ug internasyunal nga solidaridad alang sa kalinaw ug kalam-buan batok sa im-



peryalismo ug reaksyon.

Kontrolado ang prosesong elektoral sa mga interes nga langyawng monopolyo, dagkung kumprador ug agalong yutaan. Nag-unang ginababagan pinaagi sa gahum sa estado, pinansya ug propaganda ang mga representante sa mga mamumuo ug mag-uuma. Busa, dili maalaman nga ang eleksiyong 2016 magsilbing instrumento alang sa unsamang signipikanteng kausaban sa katilingban. Pinakangil-ad niini nga eleksyon ang taas nga kalagmitan o gani kasiguruhan nga itakda ang resulta sa dekompyuter nga sistemang elektoral sa Smartmatic nga kontrolado sa rehimeng US-Aquino ug sa CIA (Central Intelligence Agency) sa US. Busa kampante ang nagharing Partido, ang Partido Liberal, sa pagdaug ni Mar Roxas isip mosunod nga presidente ug magpadayon sa palisiyang neoliberal ug kontrarebolusyon.

Daghan ang naglaum nga adunay mahitabong kagubot sa ekonomiya, katilingban ug pulitika sa mga bulan ug tuig human sa eleksiyong 2016. Magtapo ang nagkagrabeng krisis sa katilingban sa grabeng kasuko nga ipahimugso sa tikas nga pagpili og presidente ug pagpadayon sa madaugdaugon ug mapahimuslanong palisiya sa dauton nga rehimeng US-Aquino. Kabahin sa krisis sa pulitika dili lang ang protesta sa kadalanan sa halapad nga masa sa katawhan kundili lakip na ang magkadungan nga pagbuto sa armadong pagsukol sa BHB ug mga hukbo sa Bangsamoro.

Ang pagpalugway sa rehimeng US-Aquino pinaagi sa rehimeng Roxas dili paborable alang sa subling pagpadayon sa negosasyong pangkalinaw tali sa NDFP ug sa reaksyunaryong gubyerno. Bisan pa man, ang paspas nga nagkagrabeng krisis motukmod sa kinsa mang molingkod nga bag-ong rehimen nga

ikunsidera ang negosasyong pangkalinaw isip pamaagi aron maatubang ang krisis ug ang pagbul-og sa armadong rebolusyon sa tibuok kapupud-an. Pinakagrabeng mahitabo sa nagharing sistema mao ang dungan nga paglunsad og mga opensiba sa BHB ug mga hukbo sa Bangsamoro.

Padayong nagabarug ang NDFP alang sa hunong-buto ug pakig-al-yansa batok sa mga hiwi nga pwersa sa langyaw ug pyudal nga paghari, bisan kung ginatibuok pa ang mga kumprehensibong kasabutan alang sa bata kang reporma sa katilingban, ekonomiya ug pulitika alang sa makatarunganon ug malahutayong kalinaw. Kung wala kini nga mga kumprehensibong kasabutan, ginapangayo sa katawhang Pilipino sa BHB nga magpabiling armado, magmabinantayon ug makig-away sa mga kasukwahing pwersa sa nasudnong pagluib ug kontrarebolusyon.

Ang hukbong bayan ug masukulong mga tahas niini

SUKAD SA MIAGING TUIG, grabe ang paghapak sa Bagong Hukbong Bayan sa mga pwersa sa kaaway sa Mindanao, Visayas ug Luzon. Gibutyag niini ang dagkung bakak sa rehimen nga migamay na ang BHB ngadto sa pipila ka libo gikan sa tumo-tumong pungkay nga 25,000 niadtong 1985-86. Sa pagkatinuod, 5,600 lang ang kusog sa BHB kaniadto. Karon, samot nang midaku ang BHB nga adunay mga Pulang manggugubat nga mas maayo ang pagbansay ug armas. Ginapalapad niini ang milisyang bayan nga adunay puluan ka libong ginsakpan ug mga yunit pangdepensa sa kaugalingon sa mga organisasyong masa sa mga mamumuo, mag-uuma, kababayen-an ug kabatan-onan nga adunay gatasan ka libong ginsakapan.

Nagalihok ang mga yunit sa BHB sa mga natarang gerilya ubos sa mga kumand sa rehiyon ug subrehiyon nga naglangkob sa halapad nga erya sa sobra 71 ka probinsya sa gatusang munisipalidad ug liboang barangay. Nagbaton sila sa aktibong suporta sa minilyong katawhan sa mga organisasyong masa ug ubos sa pagdumala sa mga rebolusyonaryong organo sa pulitikanhong

gahum. Gawasnon silang makalihok sa 80% sa teritoryo sa Pilipinas samtang kaya lang sakupon o kontrolon sa armadong pwersa sa kaaway ang 10% sa usa ka tinong panahon.

Gipanguluhan sa Partido ang BHB isip prinsipal nga instrumento sa proletaryado ug katawhan sa paglunsad sa demokratikong rebolusyon sa katawhan pinaagi sa ma-

lungtarong gubat sa katawhan. Gi-huptan niini ang hukbong bayan dungan sa rebolusyonaryong nagkahiusang prente. Gihiusa niini ang rebolusyonaryong armadong pakigbisog sa tinuod nga reporma sa yuta ug pagtukod sa baseng masa.

Hingpit nga napakyas ang rehimeng US-Aquino sa pagpildi o pagpawalay-bili sa BHB, gamit ang Oplan Bayanihan ug mga sangkap



nga programa niini sama sa PAMANA ug *conditional cash transfer* (4Ps). Ang malungtarong hunong-buto sa Moro National Liberation Front (MNLF) ug Moro Islamic Liberation Front (MILF) naghatag og higayon sa rehimen nga magdeploy og dugang tropa batok sa BHB. Bisan pa man, wala lang kini napakyas pagpugong sa pagdaku sa BHB kundili mimugna usab og mas daghang higayon aron maglunsad ang mga yunit sa BHB og mga taktikal nga opensiba batok sa kaaway.

Mas mikusog ang BHB pinaagi sa pagpakusog niini sa mga taktikal nga opensiba. Nakakab-ot kini og mga kadaugan sa paglunsad sa sub-sub ug kaylap nga gerilyang pakigubat subay sa nagkalapad ug nagkalalom nga baseng masa. Gikan sa matag bulan sa matag tuig, matngon ang mga Pulang kumander ug manggugubat sa pag-asdang ngadto sa nasudnong paglambo sa estratehikong depensiba ngadto sa estratehikong panagpatas.

Sa Oplan Bayanihan, gikon-sentra sa rehimeng US-Aquino ang iyang pwersa sa sidlakang Mindanao ug pila pa ka prayoridad nga target sa Luzon ug sa Visayas. Mikapyot ug milaum kini sa imposibleng pangandoy sa pagbungkag sa BHB sa maong mga lugar, makab-ot niini ang katapusang estratehikong kadaugan batok sa BHB sa nasudnong langkob ayha mahuman ang pagpangatungdanan ni Aquino sa 2016. Bisan pa man, kung konsentrahan og mga tropa sa kaaway ang BHB sa asa mang lugar, ginasangka sila sa mga Pulang kumander ug manggugubat sa mga kontraliyok ug kontra-opensiba. Sa ubang lugar, ginailog sa mga yunit sa BHB ang inisyatiba aron makuha ang opensiba batok sa mga yunit sa militar, pulis, paramilitar ug mga ahensyang pangseguridad sa mga nagasukol nga empresa.

Nakat-unan sa BHB pinaagi sa pulitiko-militar nga pagbansay ug aktwal nga panagsangka kung usanon nga mawad-an og epektibidad

ang bentaha sa kaaway sa kahimanan ug ihap sa tawo. Ginakalap niini ang mga tukmang impormasyon sa deployment sa armadong tropa sa kaaway, ginasiguro ang pinakahuyang nilang mga bahin ug ginalunsad ang mga opensibang siguradong mapadaug. Kanus-a man gustuhon, kaya sa BHB nga tapukon ang superyor nga pwersa batok sa usa ka bahin sa kaaway aron dugmukon kini. Sa daghang lugar nga ginalihukan sa BHB, wala kolum sa kaaway nga mosulod sa usa ka nataran o sonang gerilya nga walay posibilidad nga sugaton og *command-detonated land mine*, pag-isnaysay o usa ka hingpit nga ambus sa mga yunit sa BHB.

Nakatigum ang BHB og kusog pinaagi sa pagpangilog og armas gikan sa mga pwersa sa kaaway sa mga ambus, reyd sa huyang nga mga bahin ug mga armor ug mga operasyong pagdakop. Sa pagdaghan sa gigunitan niining armas, natukod sa BHB ang dugang nga mga yunit pangkombat, ginahatagan sila og pulitiko-militar nga pagbansay ug ginadeploy sila sa mga opensibang operasyon ug gimbuhatong masa.

Ang nag-unang gimbuhaton sa BHB mao ang pagsukol ug pagpildi sa kaaway. Apan nagapapel usab kini sa uban pang mahinungdanong mga gimbuhatin, sama sa propaganda ug ahitasyon, pag-organisa sa masa ug mga kampanya sa reporma sa yuta, produksyon, pagamoma sa panglawas, gimbuhatong pangkultura, pangmasang pagbansay sa pagpanalipod sa kaugalingon ug pagsulbad sa mga panagbangi sa han-ay sa katawhan.

Bisan pa man, aron makagahin og mas dakung panahon alang sa pakigsangka, nga adunay mubong mga panahon sa pahulay, angayang

ipasa sa mga yunit sa BHB sa pinakasayong panahon ngadto sa mga organo sa pulitikanhong gahum ug organisasyong masa ang mga gimbuhaton niini sa administrasyong sibil ug gimbuhatong masa. Nagapuli-puli sila sa mga tinong panahon tali sa pultaym nga kombat, pulitiko-militar nga pagbansay, gimbuhatong masa ug produksyon.

Kung anaa sa gimbuhatong kombat, ang usa ka yunit sa BHB adunay mubo nga panahon sa pahulay tali sa mga sangka. Ang panahong wala sa gimbuhatong kombat ang usa ka yunit ginagahin sa pagpangalap og suportang masa ug pagkalap og mapuslanong impormasyon kalabot sa kaaway gikan sa baseng masa ug gikan sa mga operatibang paniktik sa hukbong bayan.

Bisan kung gihulagway na nato sa ibabaw ang atong mga kadaugan ug padayon nga mga gimbuhaton ug tumong, kinahanglang magmatngon kita sa mga kasaypanan ug kakulangan nga angayang malangkob sa mga pagtibuok ug ebalwasyon sa mga kumand sa nasudnon, pangrehiyon ug pangnataran nga ang-ang. Angayang

masabtan nato nga ang mga hinungdan ug sirkumstansya sa dili patas nga paglambo sa gubat sa katawhan, lakip na ang mga kadaugan, kapildihan, pag-ungot ug dili pagpatuman sa dugay nang gitakdang mga tumong sa pagpaasdang sa gubat sa katawhan sa direksyon sa estratehikong panagpatas.

Adunay pila ka organo sa Partido ug kumand sa hukbo sa angang rehiyon, subrehiyon ug nataran nga napakyas sa paghimo og mga sumada ug ebalwasyon ug sa paglunsad og signipikanteng opensiba batok sa kaaway. Wala nila hustong



nahikyad ang hisgutanan ug sa in-
gon wala kini nasulbad. Mas grabe
pa, wala sila nagasumite og tukma-
sa-panahong mga taho ug rekomen-
dasyon ngadto sa nahataas nga or-
gano aron makatabang kini. Wala
usab nagahatag o dili makahatag
ang mga nahataas nga organo og
tukma-sa-panahong direktiba ug
tabang.

Asa man adunay pag-ungot o
pagkaundang ug pagkunhod sa
pwera ug pagtumaw sa mga dag-
way sa panagbangi, ang pila ka na-
ngulong kadre nakabaton og mga
kahuyangan sama sa konserbatis-
mo, pagkakampante ug pagpakaigo
sa kaugalingon sa maong nag-ungot
nga ang-ang sa kahibalo ug sir-
kumstansya. Matag tuig, ginapa-
sagdan lang nila ang mga butang-
butang, o sobrang ginapadaku ang
epektibidad ug epekto sa mga ak-
syon sa kaaway, nga wala gihuna-
huna kung unsaon pagpaasdang sa
mga gimbuhaton, pagpakusog sa
pwera ug paglunsad sa mga takti-
kal nga opensiba aron makailog og
armas gikan sa kaaway. Kanunay
nagkatag ang mga iskward ug katu-
ngang-iskward sa hukbong bayan
nga walay tinong sentro de grabi-
dad alang sa mga taktikal nga open-
siba sa paningkamot nga papelan
ang mga tahas nga angayang aba-
gahon sa mga rebolusyonaryong or-
gano sa pulitikanhong gahum, orga-
nisasyong masa, milisyang bayan ug
yunit pangdependa sa kaugalingon.
Sa pinakagrabeng mga kaso, ang
mga iskward ug katungang-iskward
sa hukbong bayan nahimong mga gru-
po sa rebeldeng latagaw.

Sa ang-ang sa tibuok nasud, re-
hiyon, subrehiyon, probinsya,
distrito ug sekysyon, ang Partido
maoy tigkoordinada sa tanang rebolu-
syonaryong pwera sa lainlaing
dagway sa pakigbisog. Ang Partido
sa hingtungdang ang-ang maoy na-
gahatag sa BHB ug mga lugar sa ka-
banikanhan og mga kadre ug akti-
bistang masa gikan sa han-ay sa
mga mamumuo ug nakaeskwelang
kabatan-onang nakabase sa syudad.

Ang Partido maoy anaa sa una-
han ug uyok sa BHB. Sulod sa BHB,
ang sanga sa Partido nakabase sa
platun ug ang grupo sa Partido sa
iskward. Ang usa ka komite sa Parti-
do maoy nangulo sa mga yunit sa
BHB gikan sa ang-ang kumpanya
pataas. Ang Partido sa liderato ug
uyok sa BHB maoy nagasiguro nga
ang mga Pulang kumander ug
manggugubat mahimong mga
miembro sa Partido sa tinong pana-
hon ug makadawat og pulitikanhong
edukasyon sa inadlaw-adlaw nga
basehan lapas sa panahon sa puliti-
ko-militar nga pagbansay aron ma-
sigurong mapabilin nila ang taas
nga rebolusyonaryong diwa ug ma-
sabtang nila ang rebolusyonaryong
lina kalabot sa mga kasamtangang
panghitabo.

Sa pagpangulo sa Partido, kina-
hanglang ipaasdang sa BHB ang
mosunod nga mga masuklanong ta-
has.

1. Panalipdan ang nasudnong sober- anya sa kataw- hang Pilipino ug teritoryal nga in- tegridad sa Pilipinas.

Kinahanglang paluyuhan
ug panalipdan sa BHB ang
soberanya sa katawhang
Pilipino ug teritoryal nga
integridad sa Pilipinas,
nga ginalapas karon sa US
ug uban pang imperyalis-
tang gahum. Dili kini an-
gayang tugutan nga ba-
hin-bahinon ang teritoryo
sa Pilipinas sa proseso sa
kolaborasyon ug panag-
bangi.

Dugay nang nakapahimulos ang
US sa malampusong agresyon niini
batok sa rebolusyonaryong Pilipino
sukad 1899, dihang gihimo niining
kolonya ang Pilipinas ug dayon
semikoloniyal sukad 1946 hangtud
sa kasamtangang. Padayon kining
nagpatigbabaw sa Pilipinas pinaagi
sa mga dili patas nga tratado,
kasabutan ug areglo sa estado sa
lokal nga reaksyonaryong mga
hut-ong dagkung kumprador ug
agalong yutaan.

Ginakontrol sa US ang mga
reaksyonaryong armadong pwera
ug nagalunsad kini og interben-
syong militar pinaagi sa US-RP Mi-
litary Assistance Agreement, Mu-
tual Logistical Support Agreement
ug VFA, bisan kung nabasura na ang
US-RP Military Bases Agreement
niadtong 1991.

Gamit ang lainlaing rason, ila-
bina ang ginatawag nga gubat batok
terorismo, napabilin sa US ang
nagkadakung presensyang militar
sa Pilipinas. Ang kinaulahi pang-
pakaaron-ingnong pagpanalipod sa
Pilipinas sa China sa konteksto sa
estrategikong pagliwag sa East Asia
naghatag og dalan sa US aron ma-
kakuha og mga base militar ug
forward location gamit ang papet nga
reaksyonaryong armadong pwera
isip gwardya sa perimetro ubos sa
EDCA.

Kinahanglang hatagan og ispe-
syal nga pagtagad sa BHB ang mga
base militar ug *forward location*
asa man kini tukuron. Kinahanglan
kini maggimbuhatong masa aron hi-
nanali silang ihimulag ug aron
madiskubrehan ang mga pamaagi
nga mabalda ug mabungkag kini.

Iligal nga ginaangkon sa
China ang sobra 80% sa eksklusibong
sonang pang-ekonomiya sa Pilipinas
ug 100% sa *extended continental shelf*
sa West Philippine Sea. Nagsugod na
kining manginlabot sa mga lugar
nga gipanag-iyahan sa Pilipinas
pinaagi sa mga reklamasyon ug
uban pang palabang aksyon. Angayang
hatagan og pagtagad sa BHB ang
maong nagkadakung pagpanginlabot
o pagpanghulga sa soberanya sa
katawhan ug teritoryal nga integridad
sa Pilipinas gikan sa kapitalistang
China.

2. Gub-on ug bungkagon ang mga empresang nagayatak sa ekonomikanhong soberanya ug nasudnong patrimonya.

Nakigkunsabo ang papet nga
guberno sa Pilipinas sa US, China,



Japan ug uban pang langyawng gahum sa paglapas sa ekonomikanhong soberanya ug nasudnong patrimonya sa katawhang Pilipino. Angayang maglunsad og mga operasyon nga mobalda ug mobungkag sa mga empresang gipanag-iyahan ug kontrolado sa mga langyaw nga nagalapas sa ekonomikanhong soberanya ug nasudnong patrimonya, nagakawkaw sa mga yuta ug kalasangan, mineral ug pangdagat nga rekurso, nagababag sa reporma sa yuta ug nasudnong industriyalisasyon, nagahilo sa yuta ug katubigan ug nagadaut sa produksyon sa pagkaon alang sa katawhan ug sa kinaiyahan.

Kinahanglang alagaran sa BHB ang katawhang Pilipino sa pagbatok niini nga mga paglapas. Kinahanglan kining molihok isip usa ka masaligang armadong pwersang pagkayutaan alang sa pagpugong, pagbalda ug pagbungkag sa mga empresang nagalapas sa ekonomikanhong soberanya ug nasudnong patrimonya.

Ang nag-unang mga target sa mga operasyon sa BHB mao ang mga operasyon sa trosohan, minahan ug plantasyon sa mga kumpanyang gipanag-iyahan ug kontrolado sa mga langyaw. Mahimo kining mabalda ug mabungkag pinaagi sa mga aksyon batok sa kahimanan, suplay sa enerhiya, gwardyang sekyuriti sa kumpanya ug mga armadong detatament nga gibutang sa gubyrno. Langkob usab sa pag-aresto ug pagdetine alang sa imbestigasyon ug dugang nga aksyon ang mga opisyal sa kumpanya.

Ang mga lakang sa pagsilot nga



ipahamtang sa BHB batok sa mga dili madawat ug masukulong empresang mamahimong usa ka pamaagi sa pagbahin sa armadong personel sa estado ug pagpugos kanila nga maggwardya sa huyang nga mga pusisyon, pagbutyag kanila isip mga papet ug mersenaryo sa mga langyawng kumpanya ug pagbatok sa dugang nga mga kalapasan sa ekonomikanhong soberanya ug nasudnong patrimonya pinaagi sa mga amyenda sa konstitusyon sa estado.

Kinahanglan usab silutan sa BHB ang dagkung burgesy-kumprador, agalong yutaan ug mga burukrata nga nalambigit sa walaypuas nga pagpanggun-ob ug pagbaligya sa nasudnong patrimonya sa mga langyaw, nagapalayas, nagpahimulos ug nagahikaw sa panginabuhian sa mag-uuma, settler ug nasudnong minorya.

3. Panalipdan ang demokrasya ug molihok batok sa mga nagalapas sa tawhanong katungod.

Kinahanglang barugan, panalipdan ug paluyuhan sa BHB ang demokrasya ug tawhanong katungod. Kinahanglan niining respetuhon ang tanang batakang kagawasan ug pundamental nga katungod, ilabina ang katungod sa paghunahuna ug pagtuo, ang kagawasan sa pagpadayag ug panagtapok, ang kagawasan sa katawhan sa pagorganisa sa kaugalingon ug ang karapatan sa tukmang proseso sa balaod.

Sa pikas bahin, kinahanglang molihok ang BHB batok sa mga nagalapas sa tawhanong katungod ug internasyunal nga makitawhanong balaod, ilabina kadtong mga nahimimo sa pagpamatay, tortyur, pagdagit ug iligal nga pagdetine, pinugos nga pagpalayas ug ebakwasyon sa mga komunidad pinaagi sa mga masaker, pagpanunog ug uban pang dagway sa dinaghang pagpanghadlok, ug lainlaing dagway sa hilabihang pagdagdaug ug pagpahimulos sa mga

mamumuo, mag-uuma, kababayenan, nasudnong minorya ug katilingbanong aktibista.

Kinahanglang makiggubat ang BHB sa pinakagrabeng nagalapas sa tawhanong katungod nga armado ug delikado, unipormado mang mga tropa sa kaaway o nakasibilyan. Ang gidudahang nagalapas sa tawhanong katungod ug internasyunal nga makitawhanong balaod, nga nanghingusog nga sibilyan sila ug walay sala sa mga kaso, mahimong mosurender alang sa imbestigasyon ug mahimong pasiunang takdaan og representante nga manalipod sa ilang kaso.

Kutob sa mahimo, angayang arestuhon sa mga pwersa ug yunit sa BHB ang mga suspek sa paglapas sa tawhanong katungod ug internasyunal nga makitawhanong balaod aron imbestigahan ug kung ginasuportahan og ebidensya, alang sa pagpaatubang, pagtaral ug paghukom sa mga hukumang bayan sa tukmang proseso sa balaod ug mga internasyunal nga sukdanan. Kadtong mapamatud-ang sad-an angayang silutan subay sa gibug-aton sa ilang sala ug kadtong mapamatud-ang walay sala hinanaling buhian nga adunay tukmang pagrespeto ug pagtabang.

4. Ipatuman ang reporma sa yuta isip nag-unang unod sa demokratikong rebolusyon.

Kinahanglang magpursigi ang BHB sa pagpatuman sa minimum ug maksimum nga mga ang-ang sa rebolusyonaryong reporma sa yuta o agraryong rebolusyon subay sa nagatunhay nga mga sirkumstansya lambigit sa kusog sa rebolusyonaryong kalihukan ug sa mga pwersa sa kaaway.

Ang reporma sa yuta maoy nag-unang unod sa demokratikong rebolusyon. Kinahanglan niining ipalingkawas ang mag-uumang mayorya sa katawhan sa ekonomiya, katilingban, pulitika ug kultura. Pamaagi kini aron kabigon ang lig-on ug militanteng suporta sa mga mag-uuma alang sa demokratikong rebolusyon sa katawhan pinaagi sa

malungtarong gubat sa katawhan. Anaa sa bentaha sa rebolusyon nga ang mga reaksyunaryong anaa sa gahum nahubog ug nagumon sa neoliberal nga ekonomikanhong palisiya nga dili na sila magpakaaron-ingnong maglunsad og reporma sa yuta ug dayag nga ginatangtang ang katakus sa mga walay yuta aron makabayad sa presyo sa yuta sa merkado.

Ang palisiya sa kaaway maoy ang pagtugot sa mga karaan ug bag-ong tipong agalong yutaan ug tutok-sa-eksport nga mga empresa sa mina, agrikultura ug pagpanoroso nga ilugon ang yuta. Kinahanglang ipatuman sa BHB ang rebolusyonaryong reporma sa yuta nga labawng mahukmanon kaysa kanus-a man sa miagi. Kinahanglang niining bungkagon ang mga empresang nagapangilog og yuta ug magamit kini aron mahiuli ngadto sa masang mag-uuma, mapwestuhan ug mapalambo nila.

Sa prinsipyo, ang tanang yuta gipanag-iyahan sa nasud Pilipino ug mapailalom sa nasyunalisasyon isip unang dikreto kung makab-ot na ang nasudnong pagsakmit sa pulitikanhong gahum. Apan angayang taturon ang dili-pyudal nga paggamit sa yuta sa mga lehitimong nagagunit niini ug ang libreng pag-apud-apud og mga titulo sa yuta sa mga mag-uumang walay yuta angayang mahatagan og tukmang dalan sa pagpatuman sa reporma sa yuta isip pagpangandam sa inang-ang nga pag-asdang sa kooperasyong agrikultural.

5. Ihusa ang armadong pakigbisog sa agraryong rebolusyon ug magpursigi sa gerilyang pakiggubat.

Kinahanglang ipaasdang sa BHB ang armadong pakigbisog nga kahusa sa agraryong rebolusyon ug pagtukod sa baseng masa. Angayang molabong ang mga organisasyong masa sa mga mamumuo, mag-uuma, kababayan-an, kabatan-onan, mga bata ug mga aktibistang pangkultura. Angayang magsilbi silang lig-ong pundasyon sa mga re-

bolusyonaryong organo sa demokratikong gahum. Asa man mahimo, kinahanglang kini organisahon hangtud sa ang-ang munisipyo.

Kinahanglang niining magpursigi sa paglunsad sa kaylap ug subsub nga gerilyang pakiggubat subay sa nagkalapad ug nagkalalom nga baseng masa. Dili angayang mahimong rason ang gimbuhatong masa aron makalikay sa sangka, gani angayang mahimo kining paborableng kapasikaran sa pagsunggab sa inisyatiba aron makalunsad og mga opensiba batok sa kaaway, ug aron sumpuon ang pagkapisibo ug malikayan ang mga purong depensibang aksyon. Angayang ihimugso sa gerilyang pakiggubat ang pagkahinog sa estratehikong depensiba, ang pasiunang paglambo sa regular nga malihukong pakiggubat, ug ang ganghaan sa estratehikong panagpatas.

Tumong nga mapagdaghan ug mapalapad ang kasamtangang mga natarang gerilya ug dalhon kini sa mas taas nga ang-ang sa organisasyon ubos sa direksyon sa mga nasudnon, rehiyunal ug pangsubrehiyon nga mga kumand. Angayang motumaw ang mga elemento sa regular nga malihukong pakiggubat samtang nagkadaghan ang ihap sa mga pangkombat nga platun ug kumpanya sa BHB sa usa, duha o tulo ka kumpanya. Ang kinatibukang ihap sa mga pultaym nga manggugubat sa BHB angayang moabot sa 25,000.

Kinahanglang pakusgon sa BHB ang mga taktikal nga opensiba aron makasakmit og mas daghang armas gikan sa kaaway. Isip pagpangandam sa pagpadaghan sa mga pangkombat nga yunit sa BHB, angayang bansayon ang milisyang bayan ug uban pang yunit pangdepensa sa kaugalingon sa mga organisasyong masa ngadto sa pagka-pultaym nga mga manggugubat sa BHB, nga adunay paghatag og prayoridad sa pagpasampa sa kabatan-onan. Pupanahon ug kung kinahanglang, angayang maglunsad og pulitiko-militar nga pagbansay aron andamon ang kabatan-onan sa pagsal-

mot sa han-ay sa mga pultaym nga mga Pulang manggugubat.

Subay sa kasamtangang kusog ug katakus, angayang adunay tinong plano ug tin-aw nga mga talamdan sa pagsakmit og armas, pagbungkag sa mga kontra-katawhang empresa, ug paglunsad sa mga kampanya ug operasyon sa halapad nga langkob ug nga adunay pleksibilidad. Kinahanglang ilunsad ang mga opensibang maayong giplanuhan aron sakmiton ang mga armori sa kaaway.

Ang mosunod nga huyang nga mga bahin sa kaaway maoy angayang langkubon sa mga opensibang operasyon:

a) gagmayng detatsment sa AFP nga relatibong huyang kumpara sa kusog sa BHB nga mahimong konsentrahan og mga supresang atake;

b) mga istasyon sa pulis sa munisipyo ug mga detatsment sa mga PNP *mobile brigade*;

c) mga paramilitar nga yunit sa mga lokalidad;

d) mga tawong pangseguridad sa mga empresa sa mina, plantasyon, ug pagpanoroso;

e) mga sindikatong kriminal nga nalambigit sa droga, pagpangawat, *kidnap-for-ransom*, ug mga susama niini;

f) mga pribadong entidad nga nagabalibad nga ihatag, isurender, o ibaligya ang ilang mga armas sa BHB.

6. Palambuon ang mga koordinado o singkronisadong opensiba sa nasudnon ug pangrehiyong ang-ang sa kumand.

Ubos sa direksyon sa Komite Sentral sa Partido, ug partikular sa Sentral nga Komisyong Militar niini, angayang palambuon ang mga nasudnon ug rehiyunal nga koordinado o singkronisadong mga opensiba. Kinahanglang ilatag ang mga nasudnong talamdan alang niini nga tumong. Pupanahon, kinahanglang palig-unon ug ipatuman ang mga plano sa nasudnon, pangrehiyon, pangsubrehiyon ug pangnatarang mga ang-ang sa kumand, nga adunay hingpit nga pagkunsidera sa

katakus sa mga pwersa sa BHB ug sa kaaway sa mga target nga erya.

Ang mga lagda ug plano angayang mopunting sa mga target ug nagahatag og luna sa pleksibilidad ug makamentina og inisyatiba sulod sa usa ka gubat nga paspas nagausab-usab. Kinahanglang ipunting sa BHB ang konsentradong kusog sa mga opensiba batok sa pinakahuyang nga mga bahin sa kaaway ug maglunsad lang og mga sangka nga siguradong mapadaug. Kinahanglang gamiton ang tanang nag-unang taktika sa konsentrasyon, dispersal ug pagbalhin subay sa panginahanglan ug mga kahimtang. Sa kasamtangan, ang platon mao ang batakang pormasyon sa BHB. Ang angayang batakang deployment sa usa ka kumpanya sa BHB sa usa ka natarang gerilya mao ang usa ka platon isip sentro de grabidad sa baseng gerilya ug mga platon nga nag-unang nagapatuman sa gimbuhatong masa, nga pupanahong nakadispers sa mga iskwad sa mas halapad nga langkob sa mga sonang gerilya.

Sa daghang higayon, gipamatud-an sa mga pwersa sa BHB nga mahimo silang maglunsad og opensibang aksyon batok sa usa ka bahin sa kaaway ug andam mogamit og mga *land mine* aron pabuthon ug ambuson ang mga nagarespondeng pwersang militar o pulis. Subli-sbuli nga magamit ang maong taktika aron danihon ang kaaway ngadto sa ilang lubnganan. Ang usa pa ka taktika mao ang pag-atake sa usa ka bahin sa kaaway apan pagkonsentra sa atake sa usa pa ka huyang nga bahin sa kaaway nga walay posibilidad nga hinanaling mareimporsan.

Kung mosulay ang kaaway nga kuhaon ang inisyatiba ug maglunsad og mga konsentradong atake sa unsa mang natarang gerilya o rehiyon, angayang gamiton sa mga pwersa sa BHB ang mga batakang gerilyang taktika ingon man ang mga mas abanteng gerilyang taktika nga napalambo na sa BHB. Mahimong gamiton sa BHB ang mga taktika sa kontra-liyok ug kontraopensiba, ila-

bina human mabut-yag sa kaaway ang iyang pusisyon, mga katakus ug mga kahuyangan.


Matag kumand ug yunit sa BHB nga ginakonsentrahan sa atake sa kaaway angayang kanunay magmentina og taas nga diwang opensiba ug pahimuslan ang higayong mapasulod nato ang kaaway sa kayutaang bentaha alang sa atong mga pwersang gerilya. Sa ingon, ang mga pwersa sa kaaway magsilbing mga tighatud ug mga *supply officer* sa BHB pinaagi sa paghatud sa ilang mga kaugalingon ug kahimanan ngadto sa BHB.

Apan labaw pa dinhi, ang mga kumand ug yunit sa BHB nga wala gikonsentrahan sa atake sa kaaway o kaha gamay ang pwersa sa kaaway angayang magpakusog sa ilang mga opensiba aron maluagan ang mga kauban sa pila ka lugar nga ginakonsentrahan sa atake ug pahimuslan ang gamay nga pwersa sa kaaway sa ilang mga erya.

Ang kasamtangang reaksyunaryong eleksyon sa nasud usa ka maayong higayon aron maglunsad ang BHB og mga taktikal nga opensiba aron hatagan og duot nga ang armadong rebolusyon maoy bugtong pamaagi aron tapuson ang mga kadautan sa imperyalismo, pyudalismo ug burukrata kapitalismo ug kab-uton ang tinuod nga nasudhong kagawasan ug demokrasya.

7. Motampo sa pagpalambo sa usa ka nasudnon, syentipiko ug pangmasang kultura.

Kinahanglang magmatngon ang mga kumander ug manggugubat sa BHB nga motampo sa pagpalambo sa usa ka nasudhong rebolusyonaryong kultura. Hilabihang ginahatagan og kamahinungdanon ug gihigugma ang ilang rebolusyonaryong mga kadaugan sa panagsangka ug gimbuhatong masa alang sa nasud ug katawhang Pilipino. Kinahanglang padayong pasidunggan sa mga propagandista ug mamumuong pangkultura ang mga Pulang kumander ug



mang-gugubat isip mga bayani sa rebolusyong Pilipino katimbang ang mga mamumuo ug mag-uuma.

Walay matawag nga nasud Pilipinas kung dili tungod sa mga rebolusyonaryong nag-alsa batok sa kolonyalismong Espanyol ug kasunod nga imperyalismong US. Ang mga Pulang kumander ug manggugubat sa BHB naggikan sa maong tradisyon ug nagapataas sa ang-ang niini nga tradisyon ngadto sa pagpakigbisog alang sa usa ka bag-ong demokratikong rebolusyon isip pagpangandam sa sosyalistang rebolusyon.

Ang mga baseng gerilya sa halapad nga kabanikanhan nga anaa ubos sa mga organo sa pulitikanhong gahum nagsilbing mga rebolusyonaryong kulturahong kuta sa pagpalambo sa nasudnon, syentipiko ug pangmasang kultura. Ubos sa pagpangulo sa Partido, kinahanglang makugihong baturan sa BHB ang burges nga neoliberal nga opensiba sa kultura samtang ginasalikway ang atrasadong pyudal nga kultura sa kabanikanhan.

Ubos sa teoretikal nga giya sa Marxismo-Leninismo-Maoismo ug sa makihut-ong nga pagpangulo sa proletaryado, ginatakda sa syentipikong diwa sa BHB nga tigumon ang tukmang kusog aron ipadaug ang rebolusyon ug magtukod og katilingbang nagagamit og syensya ug teknolohiya aron panalipdan ang nasud, labawng hatagan og gahum ang katawhang Pilipino, palambuon ang ekonomiya ug palambun ang pakighiusa sa katawhan sa uban pang katawhan sa kalibutan.

8. Panalipdan ang katungod sa kaugalingong paghukom, yutang kabilin ug kulturang identidad sa mga nasudnong minorya.

Kinahanglang panalipdan sa BHB ang katungod sa mga nasudnong minorya sa kaugalingong paghukom, yutang kabilin ug kulturang identidad. Midawat ug misalmot ang mga nasudnong minorya sa mga rebolusyonaryong pwersa, ilabina sa BHB, aron mas epektibong makigbisog alang sa ilang katungod sa kaugalingong paghukom ug yutang kabilin batok sa nagkadaiyang mga pakana nga nagailog sa ilang mga yuta ug panginabuhian, nagakaw sa mahurot nga mga bahanding mineral, nagaputol sa mga kalasangan ug nagatukod og mga plantasyon alang sa mga pang-eksport nga pananum.

Lalom ang gamot sa kusog sa BHB ug sa tibuok rebolusyonaryong kalihukan tungod sa aktibong pagsalmot ug pagsuporta sa mga nasudnong minorya. Ang mga nasudnong minorya adunay taas nga kasaysayan sa pagsukol sa mga langyawng mananakop. Ang ilang mga manggugubat nga misampa sa BHB nahilakip sa pinakamaayong mga Pulang kumander ug manggugubat.

Adunay pila ka hukbo ang katawhang Moro batok sa madaugdaugong gubyernong nakabase sa Manila. Adunay pormal ug nagaganang alyansa ang NDFP ug MILF. Ingon man, ang MNLF adunay malungtarong tinguha ug dili-pormal nga pakig-alyansa sa NDFP. Usa ka angayang alyado ang BIFF batok sa susamang kaaway. Matay-og ug malumpag ang unsamang rehimen sa Manila kung magkahiusa ang mga hukbo sa katawhang Pilipino ug sa Bangsamoro nga ikoordina o isingcronisa ang ilang mga opensi-ba.

9. Kab-uton ang suporta sa mga Pilipino sa ubang kanasuran alang sa BHB ug sa gubat sa katawhan.

Sa pagpaasdang sa malungtarong gubat sa katawhan aron makab-ot ang nasudnong kagawasan ug demokrasya, ginaani sa BHB ang suporta sa katawhang Pilipino, lakip na ang mga Pilipinong nanimpalad sa ubang nasud aron makatrabaho. Apan kinahanglang mobubo og tinong mga paningkamot aron kab-uton ang suporta sa mga Pilipino sa ubang kanasuran alang sa hukbong bayan ug sa gubat sa katawhan. Relatibong daling makuha ang maong suporta tungod kay ang mga Pilipino

sa ubang nasud naggikan sa lainlaing bahin sa nasud kung asa nagakusog ang armadong rebolusyonaryong kalihukan.

10. Suportahan ang pangkali-butang anti-imperyalistang pakigbisog sa katawhan sa kalibutan ug kab-uton ang ilang suporta alang sa rebolusyong Pilipino.

Ginapaasdang sa katawhang Pilipino ug sa BHB ang gubat sa katawhan isip internasyunalistang katungdanan sa pagsuporta sa pakigbisog sa katawhan sa kalibutan batok sa imperyalismo ug reaksyon. Sila karon ang anaa sa unahan sa anti-imperyalista ug demokratikong pakigbisog. Nagapaasdang sila og makatarunganong rebolusyonaryong pakigbisog alang sa nasudnon ug katilingbanong kalingkawasan. Pila ka rebolusyonaryong organisasyon ug susama nga dinaugdaug ug pinahimuslang katawhan gikan sa ubang nasud ang naningkamot nga magkat-on gikan sa kasinatian ug praktika sa BHB, ilabina sa kalig-on ug pagsalig niini sa kaugalingon sa pagpaasdang sa gubat sa katawhan. Sa maong hinungdan, andam ang katawhan sa kalibutan nga maghatag og suporta sa katawhang Pilipino ug sa Bagong Hukbong Bayan. AB